

जिले दीयें टकोदी चिंताएं ते समस्याएं दे हल लेई मुखमंत्री होरें प्रशासन गी आखेया जे ओह विकास गतिविधियें दी रफ्तार गी तेज करन ते इस गल्ला गी यकीनी बनान जे विकास दा लाह हर कुसै गी थोई सकै। उनें फही दोहराया जे सारे कम्म समें सिर सबूरे होने लोड़चदे - कम्में च आवा रदी रुकावटें गी दूर कीता जाना चाहिदा- लोक सेवाएं तगर पुज्ज बेहतर होनी लोड़चदी ते कम्मै दे म्यार गी बेहतर बनाइयै रखेया जाना चाईदा। महत्वै आहले मामलें बारे मुखमंत्री होरें हिदायत कीती जे ओह एम.एल.ए आसेया पुट्टे गेदे सारे मामलें दा पैहल दी बिनाह पर हल करोआन। मगरा मीडिया कर्मियें कन्नै गल्ल करदे होई मुखमंत्री होरें आखेया.....

<><><><><><>

Billawar Encounter

कठुआ जिले दे दूर-दरेडे गां घौग च सुरक्षाबलें ते आतंकवादियें बश्कार टाकरा भखी पेया ऐ। टाकरा कल संजा उसलै शुरु होआ- जिसलै सुरक्षाबलें गी इलाकें च 2 थवां 3 आतंकवादियें दी मौजूदगी बारे सूह थोई। एस.ओ.जी. कठुआ नै कमांड Nallah कश आतंकवादियें गी घेरे दा हा। आई.जी.पी. जम्मू भीम सेन Tuti होरें सोशल मीडिया दी इक पोस्ट च- इस बारे जानकारी दिती। आई.जी.पी. होरें आखेया जे नेहरें- घने जंगलें दे ते मुश्कल इलाके दे बावजूद एस.ओ.जी आस्सेया आतंकवादियें गी फगड़ने लेई जत्न कीते जा रदे न। सी.आर.पी.एफ. दी टीम बी इस सांझे अभियान च शामिल ऐ।

<><><><><><>

Rana- TFD Review

जंगलात- पर्यावरण ते चपासम मंत्री जावेद अहमद राणा होरें कल कश्मीर डिविजन च जंगलात विभाग दी पूरी पराती कारकरदगी दा जायजा लैने लेई सीनियर अफसरें कन्नै लाई गेदी इक जायजा मीटिंग दी अध्यक्षता कीती। मंत्री होरें विभाग दे मुख कम्मकाजें ते सेवाएं दी दस्तेयाबी दा व्यापक जायजा लेया। मीटिंग च बालन दी दस्तेयाबी ते बंड- रुक्ख-बूहटे लाने आली प्रक्रिया ते गतिविधियें- कश्मीर नोटिस टिम्बर फ्रेम वर्क तैहत लक्कड़ दी सप्लाई- पर्यावरण पार्क ते जंगलात हट्टें दे विकास ते कन्नो-कन्नी आर्थिक लक्ष्यें दी पूर्ति बारे जायजा लेया।

<><><><><><>

Dir-SDP Jammu Polytechnic

जम्मू-कश्मीर दे हुनर विकास विभाग दे डायरेक्टर शहज़ाद आलम होरें सरकारी पोलिटेक्नीक जम्मू दा व्यापक दौरा लाया ते संस्थान दी कारकरदगी दा जायजा लेया ते विद्यार्थियें गी दिती जा रदियें सहूलतें दा बी मुआयना कीता। इस दौरान निदेशक होरें कैम्पस दा दौरा लाया। अकैडमिक ब्लॉक- लैबॉट्रियें ते कार्यशालाएं दा जायजा लेया ते ढांचागत सहूलतें दी उपलब्धता दा आकलन कीता। उनें इलैक्ट्रिक इंजीनियरिंग लैबॉट्रियें वल वशेश ध्यान दिता- जित्थे ओ शिक्षकें कन्नै बी मिले। निदेशक होरें मिशन “युवा” समेत केइयें सरकारी स्कीमें दी अमलावरी दा बी जायजा लैता।

<><><><><><>

Fisheries Dept- Ramban

मच्छी पालन गी बढावा देने लेई रामबन च मैहकमा केई जतन करा रदा ऐ। इस सैक्टर गी बढावा देने लेई केईयें स्कीमें गी चलाया जा रदा ऐ। मच्छी पालन मैहकमे आसेया बडी मती महत्वै आहली प्रधानमंत्री “मत्सय सम्पदा” योजना बी चलाई जा रदी ऐ। इस स्कीम तैहत माली इमदाद सने रियायत ते बीमा बी उपलब्ध करोआया जा रदा ऐ। एदे तैहत मच्छी पालके गी ढांचागत मदद बी दिती जा रदी ऐ। उनेगी पैदावार बदाने-आधुनिक तकनीके गी अपनाने ते होर दुए हीले रां मदद दिती जा रदी ऐ-एह केन्द्र प्रायोजित स्कीम ऐ। आकाशवाणी समाचार कन्ने गल्ल करदे होई रामबन दे इक लाभार्थी नै आखेया.....

<><><><><><>

DYSS -CBP

युवा सेवा ते खेड निदेशालय जम्मू-कश्मीर नै जिला Publicity Coordinatorएं ते अतिरिक्त जिला Publicity Coordinatorएं लेई पैहले-पैहले समर्थ निर्माण प्रोग्राम दा आयोजन कीता। 2 दिन चलने आहले इस सिखलाई प्रोग्राम च सखेतरुं गी ड्रोन टेक्नॉलोजी- डिजिटल स्टोरी टैलिंग ते सामरिक संचार आले खेतरें च आधुनिक हुनर कन्ने लैस कीता गया। एदे नै जम्मू-कश्मीर दे नौजवानें च खेड गी लेइयें बदलाव दिक्खने गी लब्बोग। युवा सेवा ते खेड विभाग दियां महानिदेशक अनुराधा गुप्ता होरें इस पैहलकदमी गी शुरु कीता ते उनें प्रोग्राम दी महत्ता बारे दस्सेया। उनें आखेया जे अज्जै दे डिजिटल दौर च असरदार Publicity दा बडा मता महत्व ऐ- तांजे उपलब्धियां दी जानकारी आम लोकें तक्कर पजाई जाई सके।

समकालीन साधनें दा इस्तेमाल करिये स्टोरी टैलिंग राएं अस छड़ा घटनाएं दी रिपोर्ट गै नई दिंदे- अस समुदाये गी प्रेरित करनेआं- नौजवाने दिये उपलब्धिये गी जश्न दे मनानेआं ते सरकार दिये पैहलकदमिये गी लोके तक्कर पजाने आं।

<><><><><><>

Jammu Police –Illegal Mining

गैर कनूनी खनन पर सख्त रौंस अपनांदे होई जम्मू पुलस नै जिले च अपने अभियान गी होर व्यापक बनाया ऐ। बरे 2025 च कुदरती संसाधनें दा गैर कनूनी लाह कड्डने आहले ते खनन सरबंधी नियमे दी उल्लंघना करने आहले खिलाफ सख्त रौंस अपनाया गया। पैहली जनवरी 2025 थां 31 दिसम्बर 2025 तगर सारे पुलस थाने- पुलस चौकिये च विशेष मुहीम चलाई गई। इसदे नतीजे च 631 गड्डियां जेडिया गैर कनूनी तर पर खनन च शामिल हियां गी जब्त कीता गया- जिंदे चा 572 गड्डिये गी लोडचदी औपचारिकताएं गी पूरा करने मगरा छोड़ी दिता गया। पिच्छले बरे दौरान 99 लक्ख 85 जहार 327 रपे दा जुर्माना कीता गया।

<><><><><><>

Drug Abuse Committee

जम्मू-कश्मीर सरकार नै नशे दी लत च फसे दे लोके दे पुर्नवास लेई इक कार्यबल दा गठन कीता ऐ। सरकार नै सेहत ते मैडिकल शिक्षा विभाग दे प्रशासनिक सचिव ते ग्रामीण विकास ते पंचायती राज विभाग दे प्रशासनिक सचिव गी कार्यबल दे सदस्य दे रुपे च शामिल करने दा निर्देश दिता ऐ।

इस गैह दा मकसद नशाखोरी थमां प्रभावित व्यक्तियें गी सहायता ते पुर्नवास प्रदान करने दे प्रयासें गी मजबूत करना ते विभागें बशकार तालमेल यकीनी करना ऐ। कार्यवत्त केन्द्र शासत प्रदेश च पीड़ितें दी रोकथाम- इलाज ते सामाजिक पुनएकीकरण पर असरदार रणनीतियें पर ध्यान केन्द्रित करोग।

<><><><><><>

Labour Codes

डोडा स्थित श्रम विभाग नै श्रम संहिता पर इक दिवसीय जागरुकता सत्र दा आयोजन किता- एदा मकसद सरबंधी धड़ें गी हाल च गै होए श्रम सुधारें ते कल्याणकारी उपाएं दे बारे च जागरुक करना हा। इस कारजक्रम च सरबंधी लोकें- प्रतिष्ठानें दे प्रतिनिधियें ते असंगठित क्षेत्र दे मजदूरें हिस्सा लैता। सहायक श्रम आयुक्त नेहल पंडित होरें अधिकारियें कन्नै मिलियें चौने श्रम संहितायें दी प्रमुख विशेषताएं पर लौस पाई- जिंदे च सरलीकृत अनुपालन- डिजीटलीकरण ते निरीक्षक सह -सुविधाकर्ता प्रणाली शामिल ऐ- प्रतिभागियें गी PM_SYM योजना ते होरनें सामाजिक सुरक्षा पैहले दे बारे च बी जानकारी दिती गई। आकाशवाणी समाचार कन्नै गल्ल करदे होई साहयक श्रम आयुक्त होरें आखेया.....

<><><><><><>

Weather

मौसम विभाग नै आखेया ऐ जे 22 जनवरी तगर केन्द्र शासित प्रदेश च आमतौर पर मौसम खुशक रौहग। इस अवधि दौराम मौसम सरबंधी कोई बड़डा बदलाव नैई होग।

विभाग दा आखना ऐ जे इस दौरान जम्मू खिते दे मैदानी इलाकें च दरमेयाने दर्जे दी धुंध छाई सकदी ऐ ते किश थाहरें पर घनी धुंध बी पेई सकदी ऐ। इय्ये नेह हालात अगले 7 दिनें तगर बने दे रौहगंन। मौसम बारे होर मती जानकारी दिंदे होई विभाग दे डायरेक्टर मुख्तार अहमद होरें आखेया.....

<><><><><><>